
RAGAD ADVERTENTIE:
Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0.50.
Advertentie limrah: f 0,15 sagaris;
(apes: f 1.25).
Moendoet kapatjak langkoeng saking sa-
pisan, oetawi moendoet dados lengganan,
tepatang rembag roemijin kalijan admini-
stratie.

Hoofdredacteur:
B. SOEMARNA
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA
sampoen kalijan regining Soeara Katholiek

1 taoen f 7.50 } njoewoen kabajar
1/2 f 3.75 } roemijin.

Adrèsipoen Redactie lan Administratie:
IGNATIUS - COLLEGE
DJOKJAKARTA.

Drukkerij „Canisius” Djokja.



INGKANG SINOEOHOEN KANG- DJENG SANTO BAPA PIUS XI.

1857. 31 Mei, mijos ing Desio, tjelak Milaan, poeta nomer seka-
wan; ingkang rama Francisco Ratti,
ingkang iboe Teresa Calli.
1857. 1 Djoeni; kabaptis ing gré-
dja paroki Desio; asma Ambrosius.
Damianus, Achilleus.
1860-1866. Tampi woelangan sa-
pisanan wonten ing dalem saking
Pastoor G. Volontieri. Pasinaon poe-
nika laminipoen sataoen. Kedjawi
tampi piwoelang bab kawroeh, oegi
tampi piwoelang ingkang mligi toe-
mrup kabatosan saking Pastoor D.
Ratti, pamanipoen Sang tjalon San-
to Bapa.
1867. Dateng Séminari alit ing-
gih poenika Séminari Santo Pétroes
Martelaar ing Milaan; sami-sami
moerid kagolong ingkang wanter
pijambak; ingkang dipoen remeni
sanget piwoelang bab matésis; won-
ten reraosan badé kakintoenaken
dateng Turijn perloe ngladjengaken
pasinaon bab poenika.
1879. 8 Oktober. Dados student
ing Lombardisch College ing Roem.
1879. 20 Désèmber. Kaberkaha-
ken dados Imam.
1879. 21 Désèmber. Njaosaken
Kerban Mis ingkang sapisanan won-
ten ing San Carlo al Corso ing Roem.
1882. 13 Maret. Angsal titel Lau-
reaat ing Theologie wonten ing Uni-
versiteit Sapienza ing Roem.
1882. 9 Djoeni. Angsal titel Lau-
reaat ing Canoniek recht wonten
ing Gregoriaansche Universiteit ing
Roem.
1882. 28 Djoeni. Angsal titel Lau-
reaat ing Filosofie wonten ing Aca-
demie Santo Tomas ing Roem. Sa-
king peng-pengan anggènipoen iksa-
men, (inggih poenika tampi bi-
dji 24, mangka inggil-inggiling bidji
kedah 25), ngantos kapareng sowan
pijambakan wonten ing ngarsanipoen
Kangdjeng Santo Bapa Leo XIII.
1882. Djoeli. Dados Aartsbis-
schoppelijk delegaat wonten ing pa-
roki Barni; wiwit Djoeli ngantos
Sèptèmber garapanipoen namoeng
mligi ingkang magepokan kalijan
paroki.
1882. Oktober. Dados Leeraar
moelang Gewijde Welsprekendheid
lan dogmatiek wonten ing Séminari
Santo Pétroes ing Milaan.
1882. November. Dados paoen-
toen ing prakawis kabatosanipoen
tetijang ing Cenakel ing Milaan.
1883. 4 Pébroewari. Toemapaki-
poen moelang wosipoen agami da-
teng laré² ingkang badé tampi Kom-
moeni Soetji ingkang sapisanan.
1883. 4 Pébroewari. Toemapaking
koersoes-koersoes kanggé laré-laré
èstri nénéman, soepados mindak
pangertosipoen dateng wosing agami.
1883. 4 November. Ngedégaken
pakempalaning para goeroe wanita
Katoelik, perloe mentjaraken piwoe-
lang wosing agami.

1888. 5 November. Dados Bibli-
otékarisipoen Ambrosiaansche Bi-
bliothek ing Milaan.
1889. 31 Djoeli. Nginggahi redi
Monte Rosa, saweg sapisan poenika
Monte Rosa kainggahan saking Itali.
1890. 1 Agoestoës. Wontenipoen
Ratti-traject ing redi Mont Blanc;
Sang tjalon Santo Bapa medak sa-
king redi oeroet margi ingkang wingi
oeni dèrèng wonten tijang ingkang
poeroen (wani) ngambah.
1891. Djoeni. Tindak dateng Wee-
nen perloe njinaoe salah satoenggi-
ling kawroeh.
1893. Djoeli. Kaoetoës dateng
Parijs ngrembag prakawis ingkang
magepokan diplomatiek.
1895. Saking pamoendoetipoen
Kangdjeng Maha-biskop, Kardinaal
Ferrari, ing Milaan, ngedégaken pa-
kempalaning para Imam, ingkang
tjalon moelang agami wonten ing
pamoelangan-pamoelangan ing Mi-
laan.
1899. Oktober. Wangsoel malih
dateng Roem perloe njinaoe salah
satoenggaling kawroeh.
1899. Wonten reraosan badé di-
poenadjak dateng Pool lèr. nanging
sarèhné wonten prakawis sanès in-
gkang langkoeng perloe, mila boten
sijos.
1907. 6 Maret. Dados Huisprelaat
Dalem Kangdjeng Santo Bapa.
1914. 8 Djoeni. Dateng London.
1914. Agoestoës. Dados Prefect
Vaticanaansche Bibliothek.
1914. 14 Sèptèmber. Dados Ka-
nunnik ing Sint Pieter.
1914. 28 Oktober. Dados Protono-
tarius Dalem Kangdjeng Santo Bapa.
1918. 19 Mèi. Dados Apostolisch
Visitator ing Polen.
1918. 30 Djoeni. Nalika ing War-
schau wonten arak-arakan Sakramèn
Maha-soetji, Pandjenenganipoen
ingkang mbopong Sakramèn Maha-
soetji.
1919. 19 Djoeli. Dados Nuntius
ing Warschau.
1919. 28 Oktober. Kaberkahan da-
dos Biskop wonten ing Warschau.
1919. Désèmber. Tindak pepriksa
wonten ing Litauen.
1920. Pébroewari. Dados Voorzit-
ter in de geallieerde commissie
voor Hoog-Silezie.
1920. Maret. Pepriksa wonten ing
Letland.
1920. 13 Agoestoës. Tijang Bol-
sewiski ambjoek dateng Warschau;
sadaja liding corps diplomatique
sami kepladjeng; namoeng Mgr.
Ratti ingkang kantoen.
1921. Maret. Dados Maha-biskop
ing Milaan.
1921. 13 Djoeni. Dados Kaardinaal.
1921. 15 Djoeni. Tampi topi abrit.
Kangdjeng Santo Bapa Benedictus
XV paring pasemon jèn bédjeng
badé kapilih dados Santo Bapa.
1921. 29 Agoestoës. Mangagengi
tijang soedjarah dateng Loerdes.
1921. 5 Dècèmber. Toewi ingkang
wekasan dateng Desio, doesoen ka-
lairan.

1921. 6 Dècèmber. Kaarak loeme-
bet ing Milaan.
1923. 2 Pébroewari. Wiwitipoen
Conclaaf.
1923. 3 Pébroewari. Wiwitipoen
pilihan.
1922. 6 Pébroewari. Kapilih da-
dos Santo Bapa Pius XI.
1922. 12 Pébroewari. Tampi ma-
koetaning Santo Bapa.
1922. 11 Pébroewari. Kradjan Da-
lem Kangdjeng Santo Papa kawang-
soelaken. K. S. Bapa dados Nata
mardika.

POEDJIASTOETI KONDJOEK INGKANG SINOEOHOEN KANG- DJENG SANTO BAPA PIUS XI.

Serat Katholiek poenapa kémawon
ing taoen poenika njaosaken poe-
djiastoeti doemateng Ngarsa Dalem
Ingkang Sinoehoen Kangdjeng Santo
Bapa Pius XI, déné anggènipoen
djoemeneng Imam sampoén 50 taoen,
mila Swara Tama inggih boten poe-
roen kantoen njaosi poedjiastoeti.
Ingkang Sinoehoen Kangdjeng Santo
Bapa poenika ngertos basa katah,
dalasan Arab inggih mangertos, na-
moeng éman sakedik, déné basa
Djawi boten mangertos. Anggèn
koela matoer „éman” waoe, sadja-
tosipoen boten soemedy njoeda
kalohoeran Dalem, namoeng kabek-
ta saking kepéngin koela dipoengapé.

Dados Imam taoen 1879.
Ingkang Sinoehoen Kangdjeng
Santo Bapa poenika anggènipoen
binarkahan dados Imam rikala taoen
1879. Toemrap kita tijang Katholiek,
sami-sami pangkat sadonja: kaima-
nan poenika pangkat ingkang inggil
pijambak, amargi njepeng pangoe-
wasa ingkang oenggoel pijambak
inggih poenika njaosaken Koerban
Mis sarta ngapoenten dosa poenapa
déné maringaken Sakramèn sanès-
sanèsipoen.

Njaosaken koerban poenika sam-
poen wiwit kina mila. Manoet Kitab
Soetji, ingkang miwiti njaosaken
koerban: Abil kalijan Kain. Abil
njaosaken koerban awarni tjempé
moeloes, Kain awarni pamedaling
pasitènipoen. Poenapa ta perloe-
nipoen njaosi koerban? Ingkang
masti, Abil lan Kain dipoentjirjosi
déning ingkang bapa inggih poenika
Bapa Adam, bilih Pandjenengan-
ipoen roemijin wonten ing Taman
Pirdoes. Wonten ing ngrikoe raha-
djeng kaaken poeta déning Goesti
Allah, sarta kagadang badé kaing-
gahaken ing Swarga satoeroen-toe-
roenipoen, tanpa mawi pedjah roe-
mijin. Nanging moerih ngaosana
dateng peparang Dalem, Bapa Adam
katjobi roemijin: boten pareng neda
woh awisan. Jèn kalampah neda
badé katoendoeng saking Pirdoes,
boten kaaken poeta lan boten ka-
pareng minggah Swarga. Poenika
inggih toemrap satoeroen-toeroen-
ipoen oegi.

Wasana Bapa Adam neda woh
awisan, margi kénging pamboedjoek-
ipoen Iboe Kawa. Iboe Kawa kénging
pamboedjoekipoen sétan. Dados-
ipoen Bapa Adam kadosan, toeroen-
toeroenipoen inggih toemoet kadosan,
toemoet kètjalan sih kasoesantan,
toemoet kètjalan wewenang ing
ngatasipoen Swarga, (inggih poenika
ingkang dipoenwastani dosa asal,
dosa anggèn koela sami maris. (Sa-
wenèh tijang wittjanten: Apa jèn
bapa maling, anaké bandjoer dje-
neng maling kabèh? Tetemboengan
kados makaten poenika klintoe,
awit anggèn koela sami toemoet
boten dipoenaken poeta déning
Goesti Allah poenika kaseboet ing
djanggalanipoen: Jèn kowé toehoe,
kowé satoeroen-toeroenmoe Dakpèk
anak, Dakdoenogaké ing Swarga,
nanging jèn kowé ora mbangoen-
roet, kowé satoeroen-toeroenmoe
Daksèbrataké).

Mangsoeli ing nginggil. Bapa
Adam sasampoenipoen katoendoeng
saking Pirdoes, ladjeng kedoewoeng,
nanging sampoen boten saged nja-
osi pepoeli, djalaran ingkang di-
poenserikaken panggalhipoen poe-
nika kalohoeranipoen tanpa wates.

Oepami tijang pidak pedarakan ka-
mipoeroen napoek ratoe, wah mbok
tijang waoe dipoenboetjala dateng
poendi ta, kados makaten poenika
dèrèng saged damel pepoeli. Oe-
pami tijang waoe kedoewoeng sa-
ngèt, poenika inggih meksa dèrèng
nama tjaos pepoeli.

Hjang Poetra welas dateng ma-
noengsa, ladjeng paring kasagahan
badé neboes: Jèn sampoén dipoen-
teboes manoengsa poenika argger
poeroen ngambah margi ingkang an-
djog dateng Swarga, temtoe inggih
saged loemebet ing Swarga saèstoe.

Bapa Adam angsal kasagahan ka-
dos makaten, sanget ing pangadjeng-
adjengipoen dateng rawoehipoen
Sang Paneboes. Mila inggih ladjeng
nglampahi kasaénan. Poetra-poetra-
nipoen sami dipoenwoelangi njaos-
aken koerban sarana njoenati sarta
ambesemi tjempé lan sasaminipoen,
tegesipoen: pasrah djiwa raga, badé
dipoenpoenapak-poenapakaken, ing-
gih mangga, djer sampoén roemaos
lepat, ngiras ngakeni jèn Goesti Allah
poenika Ingkang Moerba-misésa.

Njaosaken koerban kados Bapa
Abil oetawi Kain poenika doemoegi
rawoehipoen Goesti Jésoes taksih
dipoenlestantoenaken.


Sareng Goesti Jésoes sampoén
rawoeh, ingkang dados koerban
kasantoenan, inggih poenika Goesti
Jésoes pijambak wonten ing redi
Kalpari. Koerban tanpa wates aos-
ipoen, djalaran Goesti Jésoes poe-
nika kalohoeranipoen tanpa wates.

Saking karsanipoen Goesti Jésoes,
anggènipoen njaosaken koerban
waoe katoesaken doemoegi poeng-
kasaning djagad, nanging tanpa
ngedalaken Rah, inggih poenika
woedjoed Koerban Mis. Pandje-
nenganipoen matah para Rasael
sagegatosipoen nindakaken njaos-
aken Koerban waoe. Para Rasael
kadadosaken Imam, sarta sadaja
kémawon ingkan tampi Sakramèn
kaimaman kanti absah, gadah pa-
ngowaoes njaosaken Koerban Mis.

Ingkang Sinoehoen Kangdjeng
Santo Bapa bingahipoen kados poe-
napa nalika dipoenbarkahi dados
Imam. Atoer paoewoenipoen dateng
Goesti Allah kados poenapa, déné
kalilan njaosaken Koerban, mangka
ingkang dados Koerban waoe Allah
pijambak. Saèstoe pangkat ingkang
saklangkoeng loehoer. Dalasan Ma-
laèkat boten kaparingan pangkat
kados makaten.

Toenggilipoen pangowaoes nga-
poenten dosa, dalasan Déwi Marjah,
sami-sami titah soetji pijambak,
meksa boten kaparingan. Déwi Ma-
rijah koewaoes njoewoenaken pang-
poentening dosa, nanging boten
koewaoes maringi.

Sapinten katahing Koerban Mis



— GRÉDJA SANTO PÉTROES ING KITA ROEM —

ingkang sampoén katjaosaken ing
Kangdjeng Santo Bapa ing salebet-
ipoen 50 taoen poenika, para maos
saged nginten-nginten pijambak.
Prakawis ngapoenten dosa, poenika
kaping pinten, angèl pangétangipoen.
Nanging sanadjana namoeng sapi-
san, manawi tijangipoen ingkang
dosa waoe saged minggah Swarga,
inggih sampoén loemajan.

IS INIPOEN:
Ingkang Sinoehoen Kangdjeng San-
to Bapa Pius XI. — Poedjiastoeti
Kangdjeng Santo Bapa Pius XI. —
Wanita ing babagan sosial — R.A.
Kartini — Noewoen sanget — Boen-
bon tjrakèn — Ontjèn sekar gambir
melati — Oerap-sari — Correspon-
dentie.

Dados Biskop taoen 1919.

Ingkang Sinoehoen Kangdjeng
Santo Bapa poenika sareng sampoén
dados Imam 40 taoen, ladjeng ka-
djoendjoeng dados Biskop. Praka-
wis Sakramèn, Sakramèn kaimaman
poenika namoeng satoenggal, na-
nging kénging kaoepamèkaken oen-
dak-oendakan. Oendak-oendakan ing
ngandap: Diaken. Nginggilipoen:
Imam. Nginggil pijambak: Biskop.
Kadosdéné Diaken ingkang badé
dados Imam, kedah angsal barkah
malih, makaten oegi Imam ingkang
badé dados Biskop, inggih kedah
angsal barkah malih.

Biskop poenika pangowaoesipoen
bab maringaken sarana-sarana in-
gkang mikantoeaken sih, nglang-
koengi Imam. Biskop kadjawi saged
maringaken Sakramèn baptis lsp.
oegi saged maringaken Sakramèn
kasantosan lan Sakramèn kaimaman.

Ing prakawis pangowaoes ngerèh,
inggih ngoengkoeli Imam.

Kadjawi poenika para Biskop poe-
nika dados gegantos ing para Rasael,
sareng Imam namoeng dados pam-
bantoening Biskop.

Ingkang Sinoehoen Kangdjeng
Santo Bapa poenika roemijin djoe-
meneng Biskop ing Milaan. Milaan
poenika misoewoer wonten grédja-
nipoen ageng ingkang dipoendamel
marmèr.

Dados Kardinaal taoen 1921.

Pangkat Kardinaal poenika béda
kalijan pangkat Biskop, awit pang-
kat Kardinaal poenika jasaning Pa-
samowean, sareng pangkat Biskop:
jasanipoen Goesti Jésoes. Pasamoe-
wan tanpa Kardinaal, saged toemin-
dak, nanging tanpa Biskop, boten
toemindak.

Ingkang apangkat Kardinaal poe-
nika boten mesti jèn sampoén ang-
sal barkah dados Biskop. Samangké
Kardinaal poenika apes kedah sam-
poen tampi barkah dados Imam.

Kardinaal poenika sanadjana boten
tampi barkah dados Biskop, nanging
lenggahipoen meksa wonten ing sa-
nginggil Biskop. Pakarjanipoen
para Kardinaal kedjawi mangagengi
Kongregasi-kongregasi, oegi ka-
gongan wewenang milih jèn wonten
lowongan Santo Bapa.

Sarèhné ing samangké Kangdjeng
Santo Bapa sampoén djoemeneng
Nata mardika, dados para Kardinaal
poenika apangkat Pangéran. Roe-
mijin pantjènipoen Kardinaal poe-
nika inggih kedah kasamèkaken ka-
lijan Pangéran. Dados oepami won-
ten Kardinaal rawoeh ing nagari
Wlandi kanti dines, poenika roemijin
pantjènipoen kedah kaoermatan ka-

Woesana koela sadaja sami njaosaken poedjiastoeti ngiras njaosaken sembahjangan langkoeng-langkoeng sapoenika ngleresi Pandjenanganipoen dados Imam 50 taoen.

Njoemerepi watak saha kawontenanipoen tijang sanés poenika boten saged manawi boten tetepangan roemijin. Menawi tetepangan, saged njoemerepi ginem sarta tindakipoen. Ing ngrikoe gampil saged njoemerepi watak saha kawontenanipoen. Koela sampoen kerep mireng asma R. A. Kartini, inggih wonten ing pawitiantenan, inggih wonten

R. A. Kartini boten ngadjèni dateng loehoering aslinipoen. Katanda sabèn-sabèn tampi serat saking mitranipoen Welandi, mawi temboeng „freule,” R. Adjeng boten karsa, prajogèi njeboet asmanipoen kèmanwon. Sampoen naté kawedal ngendikanipoen: „Loehoering asal ikoe toemrapiing akoe tanpa gawé, sing preloes nganggo loehoering boedi lan loehoering ati.” (tindak)

Éwadéné 3 ingrikoe dados

¹⁾ lan tijang limrah sapoenika. Red.

* Poenapa kober njerat ing serat kabar kita Swara Tama? Red.

R. Adjeng K. boten roedjoek, ti-
jang éstri dipoenwajoeh. Katitik sa-
king kawontenan, ngasoraken dra-
djadipoen wanita, boten mantoeek
kalijan toedjoening sesémahan, lan
toemindakipoen rekaos manahipoen
tijang éstri. Pandjenenganipoen roe-
djoek, menawi tetijang ingkang ngas-
os, samia ngertos soeraosipoen.
Kados poendi sagedipoen nimbang

saé oetawi awon menawi boten ngertos wredinipoen?

Semanten kémawon ontjèn koela menggahing R. A. Kartini. Samangké sampoen katah pamoe-langan-pamoe-langan èstri. Pamoe-langan - pamoe-langan èstri partikelir ingkang nama „Kartinischool” oegi kalebet katah. Oepami R. A. Kartini teksih soengeng, temtoe rena penggalih-ipoen, déné sampoen kalebet katah laré-laré èstri ingkang angsal pegadjaran, sanadjan ingkang katah-katah dèrèng njekapi. Éman sanget déné oegi boten sekekek pamoe-langan - pamoe-langan èstri ingkang namoeng nengenaken piwoeleng étang-étang, maos, verstandelijke opvoed lan dedamelan tangan tok, radi kesoepèn dateng zedelijke opvoeding. Mila kadang koela wanita wedalan Mendoet kalijan Ambarawa, djengandika sedaja kalebet begdja kangal toentoenan para pandjengenipoen Zusters ingkang saéstoe nengenaken zedelijke opvoeding. Oepami R. A. Kartini menengi para Zusters, koela wani mestèkaken temtoe ngalembana lan ambombong dateng tindak ingkang boten sekeki pigeonanipoen dateng para iboe, ingkang badé moerakabi dateng poetra. Djalaran saged andèder wonten ing manahipoen laré - laré, dados pandemèn santosa kanggé nglawan zedenbederf.

Baratha.

KOEROE SÈTRA.

SANGET NOEWON!

A. Sanget anggèn koela matoer noewon doemateng pandjenengan Mevr. C. Soetjilah Atmosoedarmo, déné pandjenengan sampoen kersa paring wangsoelan dateng pitakèn koela: „Kénging poenapa, jèn tijang saweg wawrat, pangdjeng-adjeng-ipoen bok inggih djalara anakipoen ing bédjeng, boten kok èstrija?” Déné wangsoelan pandjenengan: „Awit inggih poenapa waoe taksih ngèmoeti kawontenan kina-makina lan sampoen netjep invloedipoen kados ingkang sampoen koela andaraken nginggil; ingkang ing dja-man samangké boten dipoadjeng déning tijang èstri modern.”

„Mevrouw, poenapa pandjenengan sampoen boten gadah pangdjeng-adjeng kados ingkang sampoen koela la soewoenaken priksa dateng para wanita waoe? Mevrouw, poenapa pangdjeng-adjeng kados makaten poenika inggih sampoen boten dipoadjeng déning tijang èstri modern? Poenapa pangdjeng-adjeng kados makaten poenika lepat?”

Ing karangan pandjenengan, pandjenengan ngendika: „Dados sad. T. R. inggih dèrèng djembar kawroehipoen” O, sanget kasinggihan Mevrouw, jèn pandjenengan ngendika makaten, lakar inggih dèrèng djembar kawroeh koela. Ananging . . . koela gadah pitakèn sakedik: „Poenapa karangan ingkang toemoedjoe dateng sad. C. Wastitilah toewin koela (T. R.) poenika karangan pandjenengan-pijambak? *) Soekoer jèn makaten. Menawi pantjèn saéstoe makaten, dados koela malah ladjeng saja kedah anggèn koela mestani, menawi sad. wanita poenika bèn ten sanget kalijan prija. Tandaniipoen, déné pandjenengan ngolot-olotaken tijang, ngoengelenen tijang kirang djembar kawroehipoen, koemloengkoeng l. s.; poenika menawi sadèrèk prija kados boten badé kelampah.

Sarèhne amboedjeng tjekap, kaparenga koela nglahiraken wawasan koela bab pangdjeng-adjengipoen tijang wawrat; déné karangan pandjenengan mangké koela pendeti saproeloipoen. Menawi koela, inggih Mevrouw, ngadjeng-adjeng dateng anak djaler, poenika maton (redelijk) boten ngèmoeti djaman kina-makina, kados pangandika pandjenengan, ananging malah margi ngèmoeti djaman ingkang dèrèng kalampah, djaman bédjeng menawi laré waoe dadosipoen ageng. Prauwila tijang wawrat poenika pangdjeng-adjengipoen bok ing bédjeng anakipoen djalara, sebab.

1. kanggénipoen tijang sepoeih, laré djaler poenika pandjaginipoen boten patos premati kados laré èstri. Prakawis kalih ingkang awon oetawi angèl, poenika rak kedah kapilih ingkang sakedik awonipoen oetawi kangèlanipoen (Van twee kwaden of moeilikheden moet men toch het minste kiezen, is het niet zoo Mevrouw?).

2. kanggénipoen tijang sepoeih oetawi larénipoen pijambak, menawi laré waoe sampoen badé émah-émah, anggènipoen ngoepados djatoening akrama, gampil, boten mawi pakèwed poenapa-poenapa, awit laré djaler wenang milih. „Ijah, wanita inggih wenang milih”, bok menawi pandjenengan ngendika makaten, mevrouw. Jèn koela temboeng „wenang milih” ing ngrikoe radi kirang

*) Ènget, kedah kawawas wontenipoen ngrikoe; panggalihan sampoen mirika-mrika. Red.

trep, déné treping temboeng „wenang nampik.”

3. laré djaler ing bédjeng gesangipoen badé ngajomi, boten ngajom; toemrap tijang sepoeih prakawis poenika boten dados manahan (pikiran); bèn ten kalijan laré èstri. Kedjawi poenika laré djaler poenika menawi sampoen wantji diwasa, langkoeng-langkoeng ingkang sampoen tamat pasinaonipoen poenapa malih sampoen saged tjepeng damel, saged moengel: „Bésok akoe arep . . . omah-omah” (rabi), oetawi: „Bésok akoe ora arep rabi.” Sapoenika poenapa laré èstri saged moengel kados makaten poenika? Poenapa saged laré èstri namtokaken, jèn ing bédjeng gesangipoen badé émah émah? Terang jèn boten saged. Malah sad. wanita Djerman asma Laura Marholm kawedal pamanggihipoen mekaten: „Geen vrouw kan met juistheid beslissen, of zij echtgenoot zal worden of ongetrouw zal blijven, als niet eenige uiterlijke hindernis aanwezig is, die zoo'n besluit verstandig maakt.” (Djawinipoen: „Boten wonten tijang èstri ingkang saged namtokaken, poenapa pijambakipoen badé émah-émah poenapa boten, menawi boten wonten tjatjadipoen ing djawi, ingkang andjalari gesangipoen makaten waoe).

Inggih tjangkriman ingkang kados makaten poenika ingkang dados reribeding tijang sepoeih pijambak, boten saged ambatang kados-poendi badé kadadosanipoen.

4. Kadjawi tigang prakawis ingkang koela atoreraken, taksih sak bab ingkang badé koela djèrèng; Inggih poenika toekomst-ipoen laré djaler.

Laré djaler poenika, langkoeng-langkoeng ingkang dipoenpredi èstoe, menawi sampoen katingal kasagedanipoen, kénging dipoadjeng-adjeng soepados gesangipoen waoe moerakabana déning tijang sepoeih, sinaosa boten bandanipoen, inggih namanipoen, sokoer menawi saged moerakabi maatschappij. Mangga, Mevrouw Atmo, koela atoreri minta sraja dateng para prijantoe ingkang kadosang poetra dados dokter, advocaat, insigneur, meester, kados poendi pengalihipoen, sisah poenapa seneng (ajem)?

Ngèngeti kawan prakawis ing nggih poenika, pangdjeng-adjeng dateng anak djaler maton (redelijk) boten kolot, malah roentoet sanget kalijan djamanipoen.

Ing karangan pandjenengan wonten oengel-oengelan makaten: „Sarèh ta sarèh Mevr. Wastitilah, sad. T. R. l. s. s. sampoen ladjeng kasesa-sesa anggèn pandjenengan ngina bangsa wanita! Sarèh ta sarèh Mevr. Atma, (T. R.) ngina bangsa wanita?”

Pandjenengan ngandika: „Awit wataking manoengsa poenika djalara èstri sami kémawon. enz. enz.”

Poenapa inggih? Poenika genah palsoe, toer kanti sanget. O, O, O, para zielkundige ing Europa sami mastani, jèn wataking wanita poenika bèn ten prija, djeboel Mevr. Atma. bedoengoes moengel „sami kémawon.” Poenika poenapa djas bikak oedeng blangkoon poenapa setali É é é é, poenika lo wonten zielkundige van de twintigste eeuw!!!

Bab tjatjad, prija lan wanita sami anggadahi, poenika sampoen genah, terang, sinten ingkang badé ngoengkiri? Ananging wanita poenika mitoroet, kodratipoen pantjèn langkoeng a). „kirang tetapan manah” tinimbang prija; langkoeng b). „tjetèk gagasanipoen” tinimbang prija; c). satandang-tandekipoen sanget anggènipoen „manoeft gambaring pangangen - angen toewin raos.” nglangkoengi prija; d). wanita poenika anggènipoen „remen adol ati” toewin watekipoen” pènginan oet. kepéngin soemerep dateng prakawis ingkang boten (patos) preloe, ngoengkoeli prija. (Meisjes zijn van nature wispelturig, meer oppervlakkig in haar denken, zij laten zich meer leiden door het gevoel; zij zijn er meer op uit om te behagen en nieuwsgieriger dan jongens.” zie: Ouderplicht).

Badé kasambet.

OERAP-SARI.

KABAR KATOLIK.

Swara-Tama kalijan Pahargjan sèket taonan dalem ingkang Sinoehoen Kangdjeng S. Bapa.

Redactie soewaoe anggadahi sedya badé ngedalaken „Paus-nummer.” Nanging sedya poenika samangké kawoeroengaken. Margi Paus-nummer basa Djawi sampoen wonten ingkang nandang, isinipoen katah, mawi gambar-gambar pepak sanget. Semangké Paus-nummer waoe sampoen kactjap katahipoen 6000 lembar. Sadaja Pastoeran-Djawi badé moendoet, kaparingaken para Katolik Djawi ing laladan ngrikoe. Déné para lengganan Swara Tama inggih badé pikantoe Minangka lilintoening Pausnummer, redactie badé

mligèkaken Swara Tama ingkang medal tanggal 11 October namoeng kanggé ngadjani verslag pahargjan saking poendi-poendi.

Wasana moegi andadosaken kawoeningan.

Sad. Fr. saking Magelang martosaken:

Padoeka Pastoor W. Hellings. Bédjeng tanggal nem October, ing Magelang kadjawi wonten pahargjan 50 taonan dalem K. S. Bapa, wonten pahargjan sèket taonanipoen padoeka Pastoor W. Hellings.

Katjarijos, Pastoor W. Hellings ing sapoenika mijosipoen wonten Schijndel kala 2-5-1854. Taoen 1879 tanggal 26 September mlebet warga Sarèkat Jèsoes, wonten Mariëndal tjaket Grave. ladjeng djinebendan dados Imam wonten Maastricht kala 9 September 1893. Baten let dangoe dateng Indija, doemoegi Betawi tanggal 9-11-29. P. Hellings kabijantokaken dateng Missie jasanipoen P. Le Cocq d' Armandville ing Watoe-Bella kalijan poelo-poelo Goram sajaketipoen Nieuw Guinea. Saking Betawi dateng Watoe-Bella kala samanten lampahan 28 dinten. Anggènipoen makarja wonten ngrikoe sanget ngrekaos. Sadèrèngipoen sèda kalelep kala taoen 1896, pandjenenganipoen pastoor Le Cocq d' Armandville anilar missie Watoe-Bella tinda dateng Nw. Guinea (Papoea) P. Hellings anggènipoen wonten Missie Watoe-Bella waoe wiwit woelan Maart doemoegi October 1894. Bakda poenika tinimbalan wangsoel dateng tanah Djawi malih. Kala samanten Kangdjeng Biskop Mgr. Staal sampoen kondoer saking Nederland, déné ingkang djoemeneng Superior pandjenenganipoen P. J. Keyzer. Inggih kala samanten poenika lahripoen Missie Djawi.

P. Hellings rawoeh wonten Semarang woelan Djanoewari 1895. Anggènipoen lenggah wonten ngrikoe doemoegi Djoeni 1901, (-Taoen 1896 P. Keyzer sèda wonten Amsterdam).

Kala pandjenenganipoen P. Hellings waoe wonten Semarang, wonten lampahan ingkang saéstoe samanten lanapaning pangalihipoen. Kala samanten poetranipoen Résidèn Semarang Henricus van Driessche manggih pandjenenganipoen mraté-lakaken badé loemebet warganing Sarèkat Jèsoes. Prijantoe poenika waoe sapoenika sampoen djoemeneng Pastoor misoewoer inggih poenika pandjenenganipoen P. van Driessche ing Ngajogjakarta.

P. Hellings anggènipoen menggih adjenging Missie Djawi kala samanten kalijan swargi pandjenenganipoen P. van Lith, P. Hoevenaars lss.

Taoen 1901 — '3, pandjenenganipoen wonten Soerabaja. 1903 — 1904, wonten Ngajogjakarta; tn. 1904 — 1911 djoemeneng hoofdpastoor wonten Weltevreden. Wekdal samanten pandjenenganipoen pikantoe bintang „Officier in de Orde van Oranje Nassau” (kala taoen 1907).

Kala wonten Betawi pandjenenganipoen amimitran kalijan swargi dr. J. de Groot prijantoe ingkang misoewoer wonten kalangan radio. Nanging P. Hellings ladjeng kapindah dateng Soerabaja malih (1911). Ing taoen 1912 pandjenenganipoen roemaos begdja saged nampèkaken Panoenggal Soetji ingkang sapisanan dateng moeridipoen ingkang toemenen waoe: i. p. pandjenenganipoen dr. J. C. de Groot. Anggènipoen nampèkaken Panoenggal Soetji wonten grija sakolahan ing Siteobanda. 1913 — 1918, P. Hellings dedalem wonten Bandoeng. Wonten ngrikoe katawis sanget ambijantoe serat-kabar Java Post. Malah ing taoen 1920 — '21 ngasta redacteur.

Tanggal 9-11-'21, pandjenenganipoen kondoer dateng Nederland doemoegi 25 October 1922. Kondoer saking perlop, pandjenenganipoen wonten Mr. Cornelis ngantos kalih taoen, wasana kala woelan September 1925 katingal wonten Magelang ngantos doemoegi sapriki. Sadèrèngipoen wonten Magelang, pandjenenganipoen dedalem wonten Moentilan ngantos sawatawis woelan. Sanadyan kala wonten Moentilan sampoen katingal djempo, pandjenenganipoen boten karsa kèndel. Kala samanten pandjenenganipoen maringi privaatles basa Walandi dateng siswa Normaalschool kakalih: A. Soetarna kalijan T. Soekardja, anedhaken wawadosipoen „Melatknoppen karanganipoen R.M. Nata-soerata” kalijan boekoe-boekoe karanganipoen Multatuli sawatawis.

Kita redactie Sw. T. ingkang sampoen dangoe binjantoe salah satoengiling tilas siswanipoen P. Hellings kekalih kaseboet nginggil, kita ngatoeraken soengeng sèket taonan!

Moegi-moegi pandjenenganipoen tansah binnerkahan ing Pangèran! Retraite ing Moentilan.

Sadèrèk Soerjagatie martosaken nalika tanggal 23 doemoegi 26 September 1929 ing Moentilan saéstoe wonten retraite kanggé sadèrèk ingkang mangertos basa Walandi, mawi prabèja f5 minangka kanggé

ONTJÈN SEKAR GAMBIR MELATI.

MERANGI TINDAK MOERANG SOESILA.

Para prijantoe kedah dados tjonto; sampoen ngantos dados raosan awon wonten pasrawoengan langkoeng-langkoeng wonten kalanganing kawoela alit.

(Paréntah ing Magelang toewin Moentilan ka-atoeran migatosaken).

Tanggal 6 October sampoen tjolak, prijantoe!

Ing dinten waoe, kita wandawa Katolik sami maharga 50 taenan dalem Ingkang Sinoehoen Kangdjeng Santo Bapa Pius XI djoemeneng Imam!

Ing dinten waoe, kita sami ngatingalaken soengkem kita!

Ing dinten waoe, kita para poetranipoen Roem, sami ngèngèt-èngèt lalampahan poenapadéné lalabetan dalem! Kita badé ngentjengaken nijat andèrèk poenapa ingkang dados karsa dalem.

„Ora ana kasangsaran kang ngloewi nafsoening badan (begeerlijkheid des vleesch) jaikoe kasengsem prakara sawat; djer nafsoening badan ora moeng maharani ndjeploeking brajat, oega agawé hantjoering pradja!” makaten pangandika dalem Sri Nata Pandita Pius XI wonten nawala „Ubi arcano Dei.”

Dados risaking kasoesilan, andajani risaking bangsa dalah nagari-ipoen! Dados, merangi tindak njoenjoekeri kasoesilan, pantjèn dados kawadjiaban kita! Njaponi sadaja lampah toewin ichtijar ingkang andjog dateng onzedelijkheid, pantjèn dados sasanggèn kita para pradjoering Roem! Lan anggèn kita mangsah joeda, kedah tatag, tanggon, anderpati!

* * *

Katjarijos, ing salebeting woelan September kapengker, koela pikan-toek serat-partikelir saking tepangan koela, manggèn wonten bawah Moentilan. Saking roemaos koela, serat waoe perloe koela oemoemaken, soepados dados penggalihanipoen ingkang wadji.

Prakawis parama sastra poenapadéné rarakitaning oekaranoipoen sampoen kapenggali, awit tepangan koela waoe pantjèn boten wedalan sakolahan inggih.

„) ” Tijang nami Mangoenpawira ing doesoen Soroengèn onderdistrict Mendoet (Moentilan) tjarijos ingkang soeraosipoen kirang langkoeng kados ing ngandap poenika, dateng koela:

Kinten - kinten salebetipoen woelan Mei ingkang kapengker, pijambakipoen lan simahipoen katimbalan ing Kawedanan Moentilan. Perloe kapriksa déning Pamaréntah prakawis simahipoen Pak Mangoen waoe kakabaraken asring dipoen-roesoehi déning bangsa landbouw. Wonten ing papriksan ngrikoe pak Mangoen inggih matoer poenapa saleresipoen, sarta anjaosaken boekti awoedjoed serat-serat saking landbouw, ingkang soeraosing serat-serat waoe, andjawab mbok Mangoen waoe. Kadjawi poenika pak Mangoen waoe wonten ing ngarsaning Pamaréntah jèn ing lair batosipoen boten narimahaken sanget jèn simahipoen dipoen-roesoehi. Ananging pak Mangoen trimah sanget jèn simahipoen kapatrapan paoekoeman margi poeroen dipoenadjak nglampahi lampah roesoeh déning si landbouw. Dinten waoe prakawis dèrèng saged poetoes pramila pak Mangoen lan tijang sanès - sanèsipoen sami kadawoehan mantoe roemijin. Sebab wekdal poenika tijang ingkang kapriksa boten namoeng pak Mangoen lan bok Mangoen oegi wonten tijang èstri lan tijang djaler malih. Déné prakawisipoen oegi noenggil pak Mangoen lan oegi djalaran saking pokal damelipoen si landbouw. Sawangsoelipoen saking Kawedanan saéngga sapriki pak Mangoen saja ageng kasoesahanipoen. Djalaran ngentosipatoeraning prakawis, saéngga sapriki dèrèng wonten poetoesan. Ing mangka saéngga sapriki si landbouw waoe malah saja sanget anggènipoen ngroesoehi mbok Mangoen. mBok Mangonn kerep sanget itjal 3 oetawi ngantos 7 dinten, saben-saben pak Mangoen madosi kepanggih wonten ing papan sanès doesoen, tjok asring kepanggih wonten ing papan palanjahan,

* * *

Anggèn koela ngoemoemaken serat ing nginggil poenika, babar pisan boten gadah kandoetan nedya m e m b o e o e k e n n a m a l Awit koela mangertos tindak makaten pantjèn kapatrapan paoekoeman déning nagari. Apes kados ingkang kaseboet wonten artikel 284: 1): 1 a, lan b, ing Wetboek van Strafrecht. Lan saged oegi malah kados ingkang kaseboet ing art. 332: 1): 2.

* * *

Para sadèrèk! ing poendi-poendi pantjèn katah prijantoe moersal, rojal èstri! Dalasan ingkang prijantoe „Letter W. met de Kroon” inggih boten kirang-ki-rang! Ngèngeti ingkang makaten poenika déné ichtijar ambesmi onzedelijkheid katah ingkang tjabar! Djer dalasan para prijantoe B. B. katah ingkang pantjèn Dados kénging dipoenwastani malah ngadjengaken! Ingkang makaten poenika dados paksèsn moersid bilih wètting Nagari toemrap kasoesilan, tetep namoeng tertoeis didalam boekoe!

Tjekak, manawi badé ngangkah ajoening djagad, para ingkang kawogan kedah tansah paring tjonto saé! Langkoeng-lankoeng para prijantoe B.B. toewin goeroe!

Kumunings-sasèlè: 1 Oct. 1929. PATJAR MERAH.

anjekapi kabetahaning ngrikoe.

Ingkang ngersakaken ndèrèk re-traite wonten prijantoe 48, semanten poenika ingkang ± 11 gratis amargi sadaja taksih moerid. Dados ingkang njaoisi pisoembang namoeng sadèrèk 37.

Mitoeroet verslag ingkang kadawoehaken pad. Rama Rector, retraite ing sapoenika kalebet boten ngoetjwani, para retraitanten sami amesoek jektos ing sasaged - sagedipoen, anoechoni sadaja pranatan ingkang

CORRESPONDENTIE.

Mevr. C. S. At. sampoen katampi kalih pisan; boten saged kapatjak; bokmanawi badé damang saking wangsoelanipoen sadèrèk sanès, ingkang pnggah nggegegi kaantapan kita. Loetoeng kesaroeng. pandjenengan sinten?

Satrija Wétanan: serat dateng sanès soelaja kalijan poenika, tanda kirang maton, mila boten saged kapatjak. S. S. te Singkawang prajogi.

MANGGA

SAMI NGABARNA

ING

SWARA TAMA.

PAKOLÈH TOER LOEWESAN

SAË TOEWIN AWÈT

INGGIH NAMOENG

MERK GAZELLE

INGKANG AWOEDJOED

ALCYON DUNLOP

R. I. W.

RIJWIELEN

Nitjil kènging! – Kentj ng soekoer!

GAZELLE HUIS – ROEMAH GIDANG

MALIOBORO – DJOKJA – TELF. 508.

KALAU BELI OBAT - OBAT

DJOKJA

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

DJOKJA

Obat-obat keloearan roemah² obat

MALIOBORO

„RATHKAMP”

MALIOBORO

soedah terkenal berapa banyak
poeloehan tahoen dan bisa dapat
beli dimana-mana tempat. Kalau
dapat belt tjap

DJOKJA

„RATHKAMP”

DJOKJA

tanggoeng beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

INGKANG NJEPENG LARÉ,
NGRENGGANI DJAMAN
TEMBÉ - WINGKING!

Prijantoen,
JEUGDORGANISATIE

sampoen kasangga
miring!!

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG

Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja

SWARA TAMA,

dengan bawa lembaran
Swara Tama

dapat POTONGAN.

GROOTE JAARLIJSCHÉ

ORPUIMING

BIJ

WARENHUIS H. SPIEGEL

DJOKJA.

BALAI POESTAKA

V O L K S A L M A N A K

1930

f 0.64

DJAWA - MELAJOE - SOENDA
SEKARANG SOEDAH SEDIA

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.30 - 8.30.	Lamah 5.30 - 6 - 8.	Pekalongan ³⁾ 7.30.	Soerabaja:
Amboina 7.30.	Lawang ⁵⁾ 7.	Pemalang ³⁾ 7.30.	Kepandjèn 6 - 7 - 9.
Bagan Siapi-api 7.30.	Madioen 6 - 7.30.	Pemangkat 8.30.	Anita Boul. 6 - 7.30 - 9.
Bandoeng 6 - 7.30 - 9.	Magelang 7 - 9.	Poerwokerto 7.30.	Soerakarta 6 - 7 - 8.30.
Benkoelen 7.30 - 9.	Makassar 6 - 7.30.	Poerworedjo 7 - 8.30.	Tandjoeng Balai 7.30.
Blitar 7.30.	Malang 6 - 7.15 - 8.30.	Pontianak 7 - 8.30.	Tandjoeng Karang 8.
Buitenzorg 6 - 8.	Manado 6 - 7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30 - 8 - 8.30 (tjina).	Salatiga 7.30.	Tara-Tara 7.30.
Djember 7.30.	Medari ⁶⁾ 9.30 (mal.).	Sambas 6 - 8.30.	Tegal 7.30 - 9.30.
Djokja:	Meester Corn. 7 - 9.	Sambong 8.	Tering 7.
Kampementstraat Eur. 7 - 9.	Mendoet 6 - 7.30.	Sawah Loento 7 - 8.30.	Tjilatjap ⁸⁾ 7.30.
" Jav. 6 - 8.	Modjokerto 6 - 8.	Sedajoe 7.	Tjimahi 6 - 8.
Kota Baroe 6 - 7.30.	Moentilan 5 - 6 - 8.	Sedjiram 5.45 - 8.30.	Tomohon 7 - 8 - 9.
Djombang ¹⁾ 7.30.	Muntok 8.	Semarang: 7.	Wates ⁷⁾ 7.
Fort de Kock 7.30.	Ngawi ⁷⁾ 7.30.	Gedangan 7 - 9.	Weltevreden:
Gandjoeran ²⁾ 7.	Padang 7 - 8.15 - 9 (tjina).	Bangkong 6.30 - 8.	Waterlooplein 5.45 - 7 - 9.
Gombong ³⁾ 7.30.	Padang Pandjang 7.30.	Tjandi 7.	Kramat 6 - 8 - 9 (mal.).
Keboemen ⁴⁾ 7.30.	Pajakombo 7.30.	Randoesari 7.	Wonosobo ⁸⁾ 7.30.
Kediri 7.30.	Palembang 7 - 9.	Singkawang 6.30 - 9.	Woloan 8.30.
Klatèn 7.30.	Pasoeroean ¹⁾ 7.30.	Soekaboemi 6 - 7.30.	
Koeta Radja 6.30 - 8.			

¹⁾ 1e. Achad.

²⁾ 1e. + 3e. Achad.

³⁾ 2e. Achad.

⁴⁾ 1e. Achad tiap² doea boelan.

⁵⁾ 1e., 2e., 4e. Achad.

⁶⁾ 2e., 4e. Achad.

⁷⁾ 3e. Achad.

⁸⁾ 4e. Achad.

sampoen kapatjak i.p. ngladjengaken panglimbang-nglimbang ing kamari-poen pijambak-pijambak katingal sami sengkoet, sanadjan ing wekdal poenika nedeng-nedengi bentèripoen sami boten adjrih ing rekaos; malah wonten ingkang kraos gerah poejeng poenapa, nanging bab poenika boten karèwès babar pisan.

Poenapa malih prakawis ambisoe (stil zwijgen) katah para Rama ingkang amespadakaken, mila inggih jek-tos dipoentindakaken kanti toememen.

Wonten ing Hotconferentie, malah oegi wonten ing laatste avondmaal dipoenpingkalihi déning padoeka Rama Rector, soepados para retraitanten sapoenika sami poeroena andanakaken saliranipoen pijambak-pijambak apropaganda prakawis retrait, soepados ing taoen ngadjeng oegi ing woelan September tjatjahing retraitanten saged tikel ping kalih oeta-wi ping tiganipoen sapoenika, sokoer saged langkoeng.

Dipoendawoehaken oegi, bilih ing tanah Walandi wonten grija ingkang mligi namoeng kanggé retrait tjatjahipoen woloeng idji, semanten poenika ingkang tigang idji ingkang jasa para Rama S.J.; déné sanèsipoen ingkang anggadhahi pakempalan warni-warni.

Menggahing tjara tanah Walandi, grija retrait woloeng idji waoe ing sawoelan woelanipoen boten naté lowong kanggé ngladosi retraitipoen tetijang golongan warni-warni, awit sadaja noenggil ing golonganipoen pijambak - pijambak.

Ing sakeplasan koela pijambak oegi ngadjeng-adjeng wontenipoen retrait huis ing tanah Djawi ngriki, nanging inggih kados-poendi sadèrèk, sagedipoen kaleksanan manawi toemindakipoen namoeng kados makaten kémawon.

Koela pijambak inggih boten ma-

iben, bilih koela sadaja gampil kènging reribed warni-warni ingkang datengipoen boten kènging kinintenkinten. Ingkang koela atoeraken poenika reribed ingkang anjekapi kanggé ambadaraken nijat retrait, lol! Dédé saribed-ribedipoen. Awit manawi kita menggalih ribed kados ingkang wekasan poenika, wè tè, katah sanget. Nijatipoen andjenengi retrait namoeng monda-monda, gèk manoehipoen malah madosi ribed, wè la, kodjoeripoen mentjit.

Mangka koela sadaja sapérangan ingkang ageng sampoen sami angenjami raosipoen retraite poenika kados-poendi; poenapa pedes, poenapa asin, poenapa legi etc.

Manawi koela pijambak bakda retrait, poenika roemaos anggadhahi soewiwi kalih ingkang apengkoeh, kanggé maboer sowan ing Pangajoenan Dalem.

Malah nalika sami sesarengan mantoek ing salebeting montor, wonten ingkang tjrijos makaten: „Ngéné iki oepama montoré toemboekan oetawa nabrak wit asem, malah kebe-neran, andèkna wong wis....”

Lo, semanten agenging penggalihipoen, roemaos poen badan aloes sampoen petak; kapoek dèn woeson, pramila boten badé adjrih ing pedjah.

Ing ngriki raos kamaremaning penggalih boten kènging koela atoeraken mawi poetjoeking epèn lan boten wonten tetemboengan ingkang anjekapi kanggé njandra katentremen, ingkang kita panggihi ing sakbakdaning retrait.

Manawi pandjenengan boten pitados, soemangga koela atoeri njatakaken pijambak, béndjing Septem-ber 1930, poenapa inggih makaten jektos, poenapa boten. Jèn njata boten makaten, koela atoeri moendoet nagih dateng koela kados tijang njamboetaken. Angger sami dipoenlam-

pahi toememen, tertamtot boten badé mlèsèd saking atoer koela.

Retrèt pantjèn migoenani sanget, awit damel „kembangan pasowitan dateng Allah” dados „mantep ing pasowitan”, jèn sampoen mantep malah saged dados „saja mindak mantep malih”.

Langkoeng-langkoeng perloe sanget, kanggé sadèrèk ingkang dalemipoen tebih kalijan Pangèn Rohani. Awit poenika saja langkoeng ageng malih tetanggalanipoen, katimbang kalijan ingkang tjelak.

Sasoemerep koela ing Swara Tama ngriki kanggé taoen poenika boten wonten wara-wara retraite kanggé sadèrèk Malang toewin saantèronipoen kados ingkang sampoen.

Bokmanawi kènging dados, namoeng boten dipoenpatjak ing Swara Tama kémawon, nanging njatanipoen wonten jektos.

Soekoer manawi namoeng kata-lompèn boten kapatjak ing ngriki! Eman-éman sanget, manawi la-djeng boten kapenggalih.

Algemeene-Broeder-Overste.

Manawi tanpa aral satoenggal poenapa béndjing woelan November dawah tanggal sepoeh, oetawi lat-latipoen dawah woelan December taoen poenika, pandjenenganipoen Algemeene-Broeder-Overste golong-an Onbovlekte Ontvangelis, badé angedjawi, perloe mriksa lan meng-galih soepados jejasanipoen sageda sampoerna jektos.

Missie-actie ing nagari Walandi.

J.B.M. saking Madioen tanggal 17-9-29, martosaken:

Kala tanggal 17 September 1929 pang P. P. K. D. ing Madioen kara-woehan djempolan kita Katholiek Djawi énggal ingkang nembé rawoeh saking nagari Walandi inggih poenika pandjenenganipoen A.J. Djoepri ingkang nembé angsal Hoofd-acte.

Wonten ngrikoe kasoewoenan priksa bab: Missie-actie ing nagari Walandi.

Mitoeroet pangandikanipoen bab jèn dipoentimbang kalijan kradjan sanèsipoen kalebet madjeng pijambak, nitik saking tradjang-tradjangipoen (lelabetanipoen).

Ing nagari Walandi sanadjan poenika waoe dèrèng dados wetenschap, nanging praktik ngadjengaken mis-sie sampoen langkoeng katah saha sampoen kaatoer kalajan jektos, boten kados ing kradjan sanèsipoen. Boten namoeng pakempalan kéma-won, dalasan partikelir oegi toemoet njokong adjenging missie. Para Ka-tholiek Walandi ing nagari Walandi boten namoeng mandjoeroeng adje-ning missie ing bawahipoen pi-jambak (Oost- en West-Indië) na-ning oegi sanès-sanès panggenan kadosta: ing negari Tjina, Philipjnen, Britsch-Indië, Afrika, Canada, Skan-dinavië lan sanès-sanèsipoen, tjekak soemrambah ing sadjagad.

Nitik ing kawontenanipoen kanggé tanda jekti, ing poendi-poendi pang-genan temtoe wonten Pastoer, Broe-der lan Zuster bangsa Walandi, toer wragad-wragad kasanggi pijambak.

Negari Walandi poenika ngantos dados pangoengsènipoen pakempal-aning para missionaris (missie-orde roepi-roepi). Ing taoen 1927 ingkang sinaoe kanggé missie kinten-kinten wonten 6000 (nem ewoe). Kadjawi poenika katah jatra ingkang kakin-toenaken dateng ing missie.

MANTJA NAGARI.

Nederland.

Ingkang kapilih dados pangarsa Tweede Kamer, golongan Katolik asma Mr. J. R. H. van Schaik.

Tiongkok.

Nagari Tiongkok pantjèn saweg dawah sangsara! Pasoelajan kalijan

nagari Roeslan dèrèng wonten woesanipoen; ngriki-ngriki kerep won-ten wadya Roes tjampoeh kalijan wadya Tiongkok. Malah, Roeslan se-moe-semoenipoen getem-getem sa-èstoe! Ichtijar soemedy roekoen; tjabar! Dilalah, prakawis kalijan Roeslan taksih roewet, ing salebe-ting nagari Tiongkok pijambak toewoeh malih paprangan sadèrèk sami sadèrèk. Inggih poenika Tionghoa golongan kabangsan kalijan Tionghoa golongan kominis. Wiwitipoen kala tanggal 17 September, djalaran soeldadoenipoen Chang Fa Kuel golongan kominis, boten poeroen nglampahi pakènipoen paréntah ka-bangsan pindah saking Sanghai da-teng Shantoeng. Golongan kominis malah ladjeng ngempal kalijan go-longan ingkang damel gègèr wonten Kwangsi. Tjampoehipoen sanget ra-mé! (Sampoen leresipoen, manawi sesembahanipoen kamoenasika, moerid-moeridipoen, inggih samim rina, boten pradoeli mengsah bangsa-nipoen pijambak inggih tinemah.

Salebetipoen wonten pasoelajan kalijan Roeslan, salebetipoen edrèl-edrèlan kalijan bangsanipoen pijam-bak . . . wonten pawartos wadya Djepang anawan soeldadoe Tiong-kok 20 tijang, Prakawis poenika sa-weg katiti priksa. — Poenapa Tiong-kok badé saged kalampahan kina-roeboet tiga: saking Kilènipoen Wétanipoen, kalijan bangsanipoen pijambak ingkang golongan Ko-minis ???

Inggis - Djerman.

Kabar Aneta Reuter saking Berlin 24 Sept. njarijosaken rem-bag gandèngipoen nagari sakalih-kalihipoen ingkang sampoen dados rembag dangoe, samangké saged kalampahan. Babadan Inggis di-poenpangarsani Lord Reading, baba-dan Djerman: Dr. Cuno.